

# السفر والحنين

شعر

عبد الفتاح الأحمول

العلم والإيمان للنشر والتوزيع

العلم والإيمان للنشر والتوزيع  
بمسوق / ميدان المحطة / شارع الشركات

ت : ٠٠٢٠٤٧٢٥٥٠٣٤١

فاكس : ٠٠٢٠٤٧٢٥٦٠٢٨١

رقم الإيداع :

٢٠٠٥ / ١٧٥١٠

التزقيم الدولي

I.S.B.N. 977- 308- 072- 2

جمع دأرأراج

عبر السبرأبر شبل

أقوق الطبع والتوزيع محفوظة للناسأر

أأأأأر:

أأأر أأأر أو أأأأ أو أأأأأر أو الأأأأأر بأأ أأأ  
من الأأأأ إلا بأأأ وأوافأأ أأأأأأ من أأأأر

م٢٠٠٧

## تفريغ

منذ أن يولد الإنسان يظل مسافراً مدى حياته .  
أحياناً يكون سفره بالانتقال من مكان في الأرض أو وطن من الأوطان  
إلى مكان أو وطن آخر .  
وأحياناً يكون سفره داخل ذات الوطن .  
وأحياناً أخرى يسافر بخيالة ووجدانه وعقله وآماله وهو في  
ذات المكان والموطن .. فيحلم بغدٍ ومستقبل يرسمه لذاته أو لمجتمعه  
أو لوطنه أو للإنسانية كلها .  
قد يحلم بالثراء ، وقد يحلم بالشهرة ، وقد يحلم بالحب الدافئ .  
وقد يحلم برخاء المجتمع . وقد يحلم بالعدل . وقد يحلم بالسلام  
والحرية للإنسانية .. ويظل يسافر من حلم إلى حلم قد يحقق بعض  
أحلامه .. وقد يصطدم بصخور الحياة الصعبة .. لكنه ينفلت إلى  
آمال وأحلام جديدة تعطي حياته جمالاً ومتعة ومعنى وهدفاً .. ويظل  
يعمل مدى الحياة مثل قطار الليل والنهار لا يتوقف عن السفر والمسير

رغم أن الليل هو الليل دائماً بنجومه وقمره وظلمته وسكونه ، وأن  
النهار هو النهار دائماً بضياءه وشمسه وحركة البشر فيه دون تغير .  
وهكذا الإنسان بذات المثل لا يتوقف عن السفر .

ويسافر الإنسان من مرحلة الطفولة إلى مرحلة الصبا فمرحلة  
الشباب ثم النضوج حتى الكهولة .. فهو دائماً مسافر في كل شيء .  
وهكذا خلق الله كل ما فى الكون في حركة وسفر وفي كل  
مراحل ورحلات السفر يحتفظ الإنسان بذكرىات عن سفره ورحلاته  
فيحن إلى هذه الذكرىات ، ويحن إلى من عاش معهم فى سفره .. فى  
طفولته .. فى حبه .. فى غربته .. فى خياله .. ويحن إلى العودة ..  
إلى وطنه .. إلى محبوبه .. إلى أصدقائه .. إلى ماضيه .. أو الهروب من  
آلامه وفشله وبين كل ذلك كان هذا الديوان الذي بين يدي القارئ  
العزیز ..

وقد خص الشاعر بهذا الديوان المواطن المصري الأصيل .. ذا الحياة  
البسيطة والفطرة السليمة والطبيعة الهادئة بأزجال وقصائد باللهجة  
العامية - حديث الحياة دون تكلف - وهو يعبر في ذلك عن ذاته أيضاً فقد



عاش بين الحقول مع الفلاح في حقله وتحت شمس نيله .. ومع العامل  
والصانع في المصنع والمحل والسوق والمتجر وحركة الحياة .. وعاش دفة  
الحب والوطن والعروبة .. لذلك وضع بين يدي القارئ مجموعة من الأغنيات  
والصور الشعبية والريفية الجميلة .. وأغنيات عاطفية تدق أوتار القلوب  
النائمة والهائمة .. وأخرى وطنية تذكى روح الحماسة والمشاعر القومية  
والأصالة والتناغم العربي وتبعث للأجيال حالة الفخر والاعتزاز بالوطن ..  
وأخرى تدعم روح السلام الاجتماعي والوحدة الوطنية .. ولم ينسَ  
الشاعر أن ينتقد بعض الظواهر الاجتماعية في لغة سافرة أحياناً أو توجيه  
بناء أحياناً أخرى .. وفي كل ذلك يرجو الشاعر أن يكون عبر عن المواطن  
المصري الذي يعيش الأمل حيناً .. والألم حيناً .. والحب والذكريات والحنين  
أحياناً أخرى .. أو يظل مسافراً وراء قطار الحياة والحنين ..  
ويترك الشاعر للقارئ العزيز أن يسافر في قصائد وأغنيات الديوان لعله  
يجد نزهته ورحلته اللتين يحن إليهما .. ثم لنا بإذن الله عودة في سفر آخر  
بدواوين أخرى .. إن كانت رحلة العمر وقطارها مازال فيهما سفر وامتداد ..  
عبر الفتحاح للأحمر



إهداء


إلى مروح والدتي مرحهما الله...

وإلى كل أم

إلى أسرة الفؤاد

إلى كل عاشق للحياة... والوطن





## ست الكل

ببوس قلبك .. وأبوس إيدك      وأدعيلك في يوم عيدك  
يطول ربننا عمرك      وباخذ مني ويزيدك

يا ست الكل

بادعيلك تعيشي لي      تنور بسمتك ليلي  
ولو أيامي خانتني      في حضنك سعدي يجبلي

يا ست الكل

في أحضانك لقيت فرحي      ومن عطفك داويت جرحي  
بتحييني ... وتحميني      وفي أمومتك يطول شرحي

يا ست الكل

حملتيني ورضعت      وربيت ومتعت  
ولا قلبك في يوم فاتني      وفي العمر جمعت

يا ست الكل



## السفر والفن

في عمري إليه يوفيك ؟ ياريتك كله يكفيك  
وأكون مسرور عشان خاطرك وروحي الغالية تفديك

يا ست الكل

على جيبني بفرحة وحب كاتب جملة " ماليش غيرك "  
وفوق رأسي شاييل فضلك بقول للدنيا " دا خيرك "

يا ست الكل

عليكي ربنا وصي وبيك لازم اتوصي  
أهنيك .. وأرضيك تعيشي للحنان قصة

يا ست الكل

## القلب دايب

يا عيون أغلي الحبايب      في هواك القلب دايب  
يا أمل ساكن خيالي      يا نغم طاف الليالي

\*\*\*\*\*

من عبرك .. من زهورك      نبض قلبي قال نزورك  
درت أبدر في الأمان      واحضن الشوق والحنان  
وابنى حاجز الضفاير      يحجب الحاسد وغاير  
يا أمل ساكن خيالي      يا للي نورت الليالي  
من هواك القلب دايب      وانت حاضر.. وانت غايب

\*\*\*\*\*

في الصحارى وع الضفاف      رمل غني لما شاف  
نهر حسنك يروى شوقي      والزهور فوقك وفوقي


السفر والفتن

وف عيونك والشفاه      تبتسم لنا الحياه  
يا أمل ساكن خيالي      يا اللي نورت الليالي  
من هواك القلب دايب      وانت لي أغلى الحبايب

\*\*\*\*\*

اعلي بالشوق يا سمانا      واحكي للعشاق هوانا  
ييجوا بكره هيمانين      ولهوانا مشتاقين  
داحنا قصة شوق وحب      واحنا قبلة لكل قلب  
يا أمل ساكن خيالي      يا اللي نورت الليالي  
من هواك القلب دايب      وانت لي كل الحبايب





## رضاك دينتي

يا اللي وهبتك دينتي      رضاك نعيمى وجنتى  
اسقينى شوقك .. ضمنى      تحبى هواك ومحبتى

\*\*\*\*\*

وولاننا زهرة عمرنا      أفرد هواك فوق غصنهم  
هم الحياة .. هم الأمل      نوهب هنانا لسعدهم

\*\*\*\*\*

قرب لنا وخليك حنون      ولحبنا حافظ وصون  
واحنا آلدوا .. حنعيش سوا      مهما جرى مش رح نهون

\*\*\*\*\*



## السفر والفتيق

الهجر جرح صبرنا      ارجع ونور عشنا  
أولادنا فيه .. أرواحنا فيه      شوق عمرنا .. من صغرنا

\*\*\*\*\*

والبيت عروسة تنتظر      وعيونها دبلها السهر  
وياك حيرجع فرحنا      يجمع نجومنا بالقمر

\*\*\*\*\*

محلا وصالك والصفاء      محلا الرضا بعد الجفا  
نحضن هوانا ونحرسه      وقلوبنا يملأها الوفا

## نسيانك غلطى

ليه عنى بتبعدى      وبهجرك تعندى  
يا ريتك تهتدى      وتعودى لمعبدى

لتقولى غلطتى

خليت القلب رق      من حسنك دق .. دق  
ولحبيى قلت آه      ليه راجعة تقولى لأ

دا حبك غلطتى ؟

ليه هو الحب ايه ؟!      تتجنى ازاي عليه ؟  
دا هو العمر كله      مش عقد بتشتريه

وتقولى غلطتى

سميت الشوق عليك      سهرته ف نور عنيك  
ومعايا القلب سلم      أوتاره بين ايديك

ايه هي غلطتى ؟

السفر والفتن

حارماني بسمتك مع إني دنيتك  
خائف لحظة غضب تطفيلك شممعتك

وتقولي غلطتي

لو كنت تفكري ولجبي تقدرى  
ما كنت تشمتي حسادنا وتهجري

وتقولي غلطتي

لو سبت الشوق هدى حنساك وحبتي  
ومهما تعندي حنيتي ترددي

هجرانك غلطتي

## زين الشباب

يا زين الشباب	ساحرني غرامك
بنار الغياب	وعذبت قلبي
بسحر الكلام	ودوبت عمري
نسجها الغرام	محبة وأمانني

\*\*\*\*\*

بهمس إليك	وخلبت فؤادي
بدوب بين إيديك	" يا فائق خيالي "
غياب السنين	أعد الثواني
بزهـر وحنين	ومستتني تجلي

\*\*\*\*\*

لحبي وحناني	تقوللي راجلي
وتسعد زماني	تفرح وجودي

## السفر والفن

واسلم حياتي أمانة لحبيبي  
" لو الكل باعني رضيتك نصيبي "

\*\*\*\*\*

يا عايش في قلبي وساكن بعهد  
منايا ومنايا تعود لي سعيد  
وأزوق طريقك بدعوة حبيب  
واسمى واسمك ورجعة غريب

\*\*\*\*\*

حتيجي تلاقيني بقاء الشموخ  
ونحضر هوانا بشوق الرجوع  
ونسعد قلوبنا وننسى العذاب  
في جنة وجودك يا زين الشباب

\*\*\*\*\*

## الغريب

يا أمي ناديني ... أنا ابنك	والبعد شوقني قري لحضنك
ناديني يا غالية	يا نخلتي العاليلة
يا طارحة رجالة	شغالة مش خاليلة
في الصمت بتكلم	للشمس والقمره
والقلب ببسلم	ع الزرع والصحرة
يا أمي ناديني	وبحبك اروي نفسي
قيديلي أحضانك	يا مصر يا غالية

\*\*\*\*\*

يا أمى ناديني .. أحنك  
بالبهجة وبروحى وأمنك  
حتوضى من نيلك  
وأصلى وأدعلك  
ولأخسر الدنيا  
أعرق وأدلك  
وأغزلك أنفاسى  
ع البحر شمسية  
تسكنها أصداك  
وتغزل المية  
بس أنت ناديني  
وبعطفك أرونى  
دلينى وأمدنى  
يا مصر يا غالية


\*\*\*\*\*



يا أمى حرقانا قوى الأشواق      فايدىين في أمراك قلوب عشاق  
نــــــــــــادى لأولادك      دا الغربية طحناهم  
هـى دى قسـمـمـتـهم ؟      والا انت ناسياهم ؟  
واحنـا اللى باقينـاك      والخير فى همتنا  
فاردينه ع الدنيا      ليه ترضى فرقتنا ؟  
قـومى ونادينـا      وف حضنك أويننا  
بالحب ضمينا      يا مصرنا الغالية  
يا جنة يا عالية

## إلى الغريب

يا ولادى يا فايدىن حياة غيرى      مشتاقه رجعتكم لنور خيرى  
عايزاكو من بدري      وكفاية نار هجرى  
نسبى سوا الدنيا      واكتب بكم عمرى  
هنونى بوجودكم      حنونى بجهودكم  
وف ميسى الطاهرة      قوموا اغسلوا ذنوبكم  
مين غيرى هناكم      وف عزه رباكم  
عودوا لمرسلكم      مقدرش أنساكم  
أنا أم يا ولادى



يا ولادى .. كل الدنيا عارفناكم      ممة وعزيمة .. فوق محياكم  
دا الصخرة عاشقناكم      سهرانة تسستى  
تزرع محبتكم      فى الرمل بسنانا  
والبحر فى بعادكم      غرقان فى أمواجه  
والليل جفاه بדרه      والصبح تاه تاجه  
من غيرى هناكم      وف خيرره رباكم  
عودوا لمرسناكم      دا القلب مئاواكم  
أنا أم يا ولادى



يا ولادى مشتاقة كتير ليكم      الت غيتكم .. عن أماليكم  
عودوا لأولادكم      دول هممه أكبادكم  
والأم .. والزوجة      ما ناموا في بعادكم  
وأن كنتوا بتقاسوا      أنا اللي بتالم  
والصبر ضاق بى      من غير ما أتكلم  
من غيرى هناكم ؟      ويعطفه دفاكم ؟  
عودوا لمرساكم      في القلب شايلكم  
أنا أم بتسامح  
أنا مصر يا ولادى

## اللقاء

يا اعلی مخلوقة	بالعمر بنهادی
وأن دینا حنر عرع	في الصحره والوادی
رجاله مبدوره	بالهمه بتتادی :
والله وحش تینا	وادحننا جینالک
طایرین مع النسمه	وف قلبنا هلالک
تایبین عن الغربه	دا یبین في آمالک
الشمس مرکبنا	والحب موبکنا
والبدر ونجومه	والدنیا في رکاننا
یامای جینالک	قایدین کواکبنا

\*\*\*\*\*

## السفر والفتن

أهلاً بأولادى      النبيل يحريكم  
رجعتوا أعيادى      والمجد بأديكم

\*\*\*\*\*

يا مصر محفوظة      بعناية الخالق  
يا كنانة جبالك      حالفين م حنفارق

\*\*\*\*\*

أهلاً بأيامنا      حنقة احلامنا  
وولادنا يتهنوا      والدنيا تحلى لنا

## السفر والحنين

سافر وسابني بلوعتي      شائلة حمائل وحدتي  
والغربة بتوه قلوب      يا خوفى تاخذ بسمتي  
سابلى الحنين ٠٠ مليون أنين      ينزف أسى ٠٠ فوق الجبين  
ويقول قدر مكتوب لنا      يبعد سنين عن دنيتي  
تحررق شبابنا وحبنا      والمال ما يسوى فرحتي  
ارجع ونور دنيتي

دا مش قدر مكتوب لنا      تشقى هناك ٠٠ واتعب هنا  
تدفع حياتك للغريب      وتقول بنينى عشنا  
مكتوب تعود ٠٠ تحبى الوجود      لجل القلوب ٠٠ تطرح ورود

## السفر والفن

خلى جهودنا لأرضنا ندى وناخذ حقنا

مشافة تجمع شملنا عيشه كريمة ف مصرنا

تسعد حياتى ودنيتى

ييجى الأمل ٠٠ يضوى القمر فوق السهارى ينتظر

لما النهار ٠٠ يصبح يبوس ليل الهوى ف خد البشر

يبقى الزمان ٠٠ حب وحنان قلبين وفى جزيرة أمان

واحضن حبيبى بلهفتى وتعود دموعى م السفر

تزرع جناين ٠٠ طرحها فرحة يغنيها القدر

وارتاح وتضحك دنيتى



## أهلاً بيك

أهلاً بيك أغلى الأحباب      أهلاً بيك من بعد غياب  
فيه القلب ف حبك داب  
دانئت البدر .. دانئت الفجر      وانت الوصل .. وليه الهجر؟  
ساعة قرب تساوى العمر  
يوم ما بتبعد شمسى تغيب      ينقص عمرى سنين ويدوب  
واحنا ف حضن الشوق بنطيب  
فرح قلبى دقة بدقة      واعزف لحن هوانا برقة  
مشتاق أنسى سنين الفرة  
نبنى ف شط البسمة حياه      يلقي فيها القلب مناه  
فيها الحب الزاد والجاه  
نزرع حب ف قلب الليل      يطرح سعد لمليون جيل  
بس نعيش فوق وادى النيل

## نساك القلب

نساك محبوبى يا قلبى      فى يوم العيد  
وبات يرقص ومتنهى      وأنا ف تنهى  
دموعى صاحبة بتقولى      دا جدد جديد  
حبيبى ازاي بينسانى ؟!

دا كان من بدرى ببصيح      برقعة وزوق  
ويجى لقلبي ويبارك      بكل الشوق  
وأفرد فرحى ع الدنيا      وارفرق فوق  
دا يجى يوم وينسانى ؟ !

أنا اللي عمرى ما نسيته      ولا أقدر  
ولا أفكر يهون لحظه      ولو يهجر  
وأقول يا قلبى إيه رأيك ؟      يقول " نصبر "  
ما يقدر حبي ينسانى

### السفر والفتن

نروح نسال ونطمين على المحبوب  
ونخلق عذر يشفع له عشان بنودوب  
في شرع الحب ما نكره قدر مكتوب  
حصونه مهما ينساني  
مسير الحب حيزهر في بساتانا  
ونحضر عطره بقلوبنا ونتهنى  
ومين شافنا يقول م الشوق : عقبالنا  
وعيش والحب هناني

## اسمعيني

زى ما سمعت العزول      اسمعيني لما أقول  
باللى ضيعت الهوى      اللى كان يطلب ينول  
اسمعى القلب اللى حبك      اللى عاش العمر جنبك  
تسحره بسمة عيونك      ينتشى من همس قلبك

كان مناه الشوق يطول

عشت احلم بالأمان      بين عيونك والحنان  
والأمل عطر ونور      جيت أبوس خد الزمان  
كل حته مشينا فيها      جنبنا خضر واديها  
كل بسمة ٠٠ كل نسمة      كان فؤادى بيراعياها

لجل عمر الشوق يطول

العوازل سهروا ببيك      بدلوا أيام رضاك  
وابتدت أحلام هوانا      تنتحر في ليل أساك  
أنصحك ما تسمعي      تضحكيلي وتخدعي  
وافتكرت الحب منة      تمنحيه .. أو تمنعي

وارتوى زهر العزول

عايز أقول لكن كفاية      مش حنوصل أى غاية  
زى ما خنت الهوى      حانسى حبك للنهاية  
كل واحد له طريق      كل واحد له رفيق  
لو طريقك .. أو رفيقك      كنت أنا .. حصيح غريق

وارتمى ف بحر

## وداع زهرة

مالك يا زهرة دبلانة	وطول العمر نشوانة
وفاردة العطر متبسم	في كل الكون وهيمانة
وطيفك سحره م الجنة	يخلي القلب يتهنى
وأنا من بدرى بستى	جمال حسنك وأمنى
في يوم ينعس على جبينى	أدوب ويكاك حنينة
ورقة عوده تحيينى	أقيد الفرح بعنينة

\*\*\*\*\*

عصرت الروح ورؤيتك	وقلت السعد في قدومك
وفوق الحسن ربيتك	لقيت يا زهره جه يومك
يشمك غيرى ويضمك	ويقطع قلبي ببعادك
وابات م الغيرة أالم	ويسهر شوقي لمعادك

وتسبح فيك أحلامي      وانت بحري والميناء  
وعارفك لسه عاشقاني      وبتعيشي ف أمانينا  
لكن أهلك وخلاتك      لحضن الجاني زفوك  
ياريت يا زهرة أغصانك      في رمش عنيه لفوك

\*\*\*\*\*

يا أجمل زهرة مخلوقة      مفيش إلاك معشوقة  
بريح قلبي يعطورك      وأحلى أيامي محروقة  
وأقول للهر ياريتك      في يوم تختار مقاديرك  
يدوم حسنك وتتهني      وتفرح ببيك عصافيرك

السفر والحنين  
عشاك أنتظر

عشاك أنتظر واحضن قلبك وأدوب  
وربك لا البشور عالم ما في القلوب

\*\*\*\*\*

أشتاق لحظة لقا تسعدني بين إيديك  
واهديك ديتي واتملئ بنور عنيك


\*\*\*\*\*

مالي في الكون مني إلا همسة رضاك  
وأن كنت البدر فوق حبي حيكون سماك

\*\*\*\*\*

والقلب يدق لك في كل نبض رق





والقلب يصدق لك      في كل نبض رق  
والعين ٠٠ والروح ٠٠ سوا      يقولك عندي حق

\*\*\*\*\*

واعاهدك وأوعدك      لبروحى اسعدك  
م انت النور والهوى      مين يقدر بيعدك ؟

\*\*\*\*\*

وماربك يريد      حتكون الدنيا عيد  
والفرح يدوم لنا      واحضن عمري السعيد

من غير ما أنتظر



## هَلَّتْ

هَلَّتْ ٠٠ هَلَّتْ ٠٠ هَلَّتْ      جوه القلب وحلّت  
بجمال الروح والقصد      وبحسن يفوق الحد  
على روحى وقلبي اتولّت  
هَلَّتْ والقلب شريد      تأيه في الدنيا وحيد  
قالت : أنا فجر العيد      جاية بأشواق بتقيد  
فردت بسمتها وولّت  
دى حليوه فوق الحد      في عيونها جزر ومد  
وربيع زهر في الخد      والشعر دا نيل امتد  
وجبينها شمس وطلّت

قلتها بشوق " مشتاق " روح قلبي كفاية فراق

دا القلب عشائك راق وابوك وأبوياف فراق

وعيلتنا لحننا صأنت

قالت لى هات الطرحة قالتها بكل الفرحة

بشفايف ورموش سارحة ما قدرت أنام ولا أصحه

لما الشرابات انبلأت

وبقالى أسرة وبيت وحياف بيها اتنهيت

وارتاح البال وهديت وف صورة بكرة لقيت

خطفتنا الفرحة وعلأت

في القلب مطر جك

في القلب مطر جك      طول عمرك يا قمر  
وان طالبت غربتي      حرجلك م السفر  
بالفرح وما جرجك  
مهما يجور الزمن      إنت اللي ف دنيتي  
وبشوق من غير تمن      أفديك بمهجتي  
لو نسمة تجرجك  
عايز بسمة عنديك      في القلب وع الشقايف  
تطفئ لوعة فراقك      في البعد م ابقى خايف  
من لحظة تجرجك  
واطمئن عامله إيه      مرتاحة واللا إيه ؟  
ونصون حب انكتب      أرواحنا عايشه بيه  
ما يهون أو يجرجك  
وارجلك بالأمل      وجراح الشوق تطيب  
والفرح بضمننا      واحلف عنك ما غيب  
أو حاجة تجرجك

## المحطة

كنت واقف ع المحطة والحليوة اتمخطرت  
فوق ذراعها شايلة شنطة من عرقها اتعطرت  
والخدود م الحرقايدة والشعور اتبعثرت

\*\*\*\*\*

جت وقالت : بعد إذك عايضة مندبل من ورق  
رد قلبي .. قال خديني آجي الطّف العرق  
قلت له : حاسب نعال لو تقرب .. تتحرق

\*\*\*\*\*

واليوم... هل عقيم الوري  
فنسألم هـون الذلة ؟

\*\*\*\*\*

مور التتار تكمرت  
مقتاً لأرضي .. ومأتي  
لم أنس صبح قدومهم  
يوماً كئيب الطلعة  
طفلي الصغير وأخته  
كانا بباب حديقتي  
نداعيان بنشوة  
قبل احتلال أرقتي  
يتطلعان إلى غيد  
كمهن دس .. وطبيبة  
ذلك الطفلة ذرونا  
ألنبت صاحت : " نجدي "

## اغتيال فرج

### من وحى الطرف

الشمس قادت في البلد      والعائقة منتظرة الولد  
ييجى ويطلب يدّها  
ييجى وراكب مُهزّته      ومعاها حبايبه وعزوته  
يخطب ويدفع مهرها  
لابس جديد ومعطره      يحلم ببيت جيعمره  
لما يوافق أهلها  
طلوا الكلاب وبا الضحى      قتلوا نفوس متفتحة  
فوق الطرق طاف دمها  
دى كلاب كثيرة مبعثرة      وعيونها نار متسعة  
جاية بتنهش لحمها

### السفر والحنين

وقفوا الكلاب ٠٠ في كل باب واتحاطوا أحضان الشباب  
ما سابوا فرحة لأهلها  
الولد ماتت بسمته والدم سال فوق شفته  
وعيونهم غمض جفتها  
الشمس غابت والقمر والحلوة لسه بتتظر  
محبوبها يجي يضمها  
لابسة الحرير متزوقة وبلهفة ليه متشوقة  
والفرحة طيارة ف قلبها  
صوت النساء شق السحاب جالها الخير مليون عذاب  
الصدمة شأت عقلها  
امتى الزمان يولد أمان؟ لجل الهوى يلقي الحنان  
وطيورنا تهدى ف عشها  
الحلوة شيبها القدر وبصير لسه بتتظر  
بسة تخفف حزنها



## حيثك

حيبتك .. وانت حبيبي واخترتك تبقى نصيبي  
واديتك قلبي وعمرى وبقيت أجمل مكاتيبي

\*\*\*\*\*

با ضلل فيك والكل ويعيش أجمل أيامي  
ولا كل الدنيا تقلل من شوقي إليك وهيامي

\*\*\*\*\*

وصبحت ف موكب شوق طائر بيّ على فوق  
وبدوب وياك حنية خلت لي الضلّة شروق

\*\*\*\*\*

ما بقيت أهلي وأحبابي وبقيت الكل ف واحد  
وهواك بالدنيا بحالها إيه أكثر من كده آخذ

\*\*\*\*\*

خليني معاك خليني واحفظ حبي وهنيني  
 واجمعنا ف عش صغير تملاه حب وترويني

٤١

### العودة

راجع مشتاق هنا      من بعد سنين ضنى  
محروم من بسمتك      معرفتش مين أنا  
في الغربة يا بلد  
للنيل الصافي راجع      للحضن الدافئ راجع  
أسهر ويا القمر      واتمشى في المزارع  
بالبنات والولد  
أتغطى بالسما      وترابك فرشتى  
والشمس تكون دوا      والنسمة جنتى  
واعبد واحد أحد  
راجع أعرق كثير      واكسيك بالحري  
وابنيلك ميت هرم      الكون بينهم يطير  
وبولدك يتسعد  
أعرق لك مش لغيرك      أنت أولى بخيرك  
دا دين أوفيه على      أعشق ليلك ونورك  
ويا بخت اللى أتوعد

## عود الفل

ياعود الفل يا نايـم ٠٠٠ صباح الفل  
بنبض القلب رايدينك ٠٠ يا روح الكل

\*\*\*\*\*

بعود ياسمين ٠٠ وريحانة ٠٠ مجاورينك  
زرعنا الحب متعطر ٠٠ على جبينك


\*\*\*\*\*

وفى زهورك ٠٠ عيون الحسن تكحل  
ضفاير ليل ٠٠ طواها الفجر ٠٠ واتمهل

\*\*\*\*\*

وخـد شوقي ٠٠٠ روى غصنك  
وكل الروض ٠٠٠ عشق حسنك

\*\*\*\*\*



يا عود الفل ٠٠٠ قلبي شاريك

تصونه ؟ ٠٠٠ واللالى شريك ؟

\*\*\*\*\*

لو الأيام تجمعنا ٠٠ يا عود الفل

حنغزل عمرنا فرحة ٠٠ ونورنا يهل

\*\*\*\*\*

ونسكن روضة في الجنة يزينا سحر ازهارك

وتحكى الناس قصتنا مع الحان اطيارك

\*\*\*\*\*

يا روح القلب يسعدني حنان نبضك وإحساسك

ف أمان الله ٠٠ قوم فتح جنود الله حراسك



(السفر والفن)  
الأولة

الأولة قلبى

والثانية حبى

والثالثة ربى

الأولة قلبى ٠٠٠ عشق نيلك في دقائقه  
والثانية حبى ٠٠٠ وهب لك كل ساعاته  
والثالثة ربى ٠٠٠ رفع ذكرك في آياته

الدرس دا يحيى النفوس      ع الرمل دا أوعى تدوس  
في الرمل دا أصل الحياة      قوم طوقه بحضنك وبوس

\*\*\*\*\*

أول شروق ٠٠ كان من هنا      أول صلاة ٠٠ كات مننا  
وادي الهرم ٠٠ وادي القنائة      أرض الحضارة أرضنا

\*\*\*\*\*

تعظيم سلام يا كل حي كبر وشوف... بكرة اللي جى  
المصرى فوق... فوق كل شى خلي ضلام الدنيا ضى

\*\*\*\*\*

الاوله مصري

والثانيه مصري

ودائماً مصري

\*\*\*\*\*

الاوله مصري هو الألف والكون حروف بعديه

والثانيه مصري وحده رفع شمس الخلود بإديه

ودائماً مصري هو السما..فوق الوجود ترويه

## كتبوا الكتاب

كتبوا الكتاب يا عاشقين يا أهل مصر الطيبين  
قطفوا الزهور لجل الفرح من جنابين الصابرين


كتبوا الكتاب

\*\*\*\*\*

كتبوا كتاب .. كل الشباب .. يوم العبور  
لما الأسود .. جابوا الخلود .. فوق الغرور  
والمداين نورت .. والسفان عطرت .. كل البحور  
كتبوا الكتاب

\*\*\*\*\*

والعروسة أرضنا... زوقوها بنصرنا ... قالت تعيش  
يا بن البلد  
دانست الأمان... طول الزمان ... غيرك ماليش  
مهما أتولد  
والفرح بيك من غير شريك يكمل بجيش  
مصر الأسد



كتبوا الكتاب

والمهر أرواح شعب بيضحى فوق الصعب

حالف بلين وأب

وبجرح ست سنين وسط الضياع تايهين

ويا الشعور بالذنب

لازم نعيش أحرار وندوب الأخطار

وندوب في أجمل حب

كتبوا الكتاب

\*\*\*\*\*

والمأذون هو التاريخ أما الشهود ٠٠ كل الأمم

والزفة كانت ع القفاه والشمس في ضبي العلم

والشعب حاضن فرحته والنيل بيرقص والهرم

كتبوا الكتاب

\*\*\*\*\*





### السفر والهنين

والسلام ... بعد الآلام ... صار ابننا  
والغيطان ... طرحت حنان ... من حينا  
والريبع ... هنى الجميع ... دام عندنا  
كتبوا الكتاب

\*\*\*\*\*

والحق جنباه واكمل والكل عرقان في العمل  
يزرع سعادته لولدننا ما بين ربوع وادى الأمل  
نجمع بشاير مجدنا زى جـودنا الأول  
كتبوا الكتاب

\*\*\*\*\*

يا لى شاركتونا الفرح والله عقبال الصحاب  
ما حد فيكم ينجرح والحب يفتح كل باب  
نجي نهني كنا

ونشهد فى يوم

كتب الكتاب

## مصر أم البشر

جينا نهارك وجينا نحى وجودك بإدينا  
نهديك عمر غالى راضع شوقك يا سينا

\*\*\*\*\*

يا فجر وبدر بضوى يا مجد بيروى دمي  
يا غنوه شوق لابنى يا مصر ابويا وأمي

\*\*\*\*\*

الزهر فوق رمالك فيه سحر وله دلال  
والشمس تشوف جبينك ترقص زى الغزال

\*\*\*\*\*

تنزل وتبوس شطوطك وتتسام تحت النخيل  
وتقوم من كثر شوقها تحضن موجك يا نيل

\*\*\*\*\*

والنيل فارد جناحه ع الصحرا وفي السهول  
داخلى الليل يلالى يفتن كل العقول

\*\*\*\*\*

والصحرا اتبسمت وف توشكى انكلمت  
بكفاح العرقانين م الفرحة اترنمت

\*\*\*\*\*

وولادك يعشش قوك بيموتوا ويرفعوك  
في قلوبهم ما في غيرك لولا الله يعبدوك

تحكى بك اهراماتك والسد العالى شاهد  
والدم اللى في قناتك ان الكل جاهد

\*\*\*\*\*

خاضعين نار الحروب عابرين بحر الالام  
باليم وبالجراح لما جينا السلام

\*\*\*\*\*

## السفر والفن

يضحك في الزهر لبَيض      شارب حُمرة خدودك  
مبنى في القلب معبد      منقوش بإدين أسودك

\*\*\*\*\*

والمدننة كَبَرَتْ      والشيخ أم الصلا  
وكنيسة رَتَبَتْ      إنجيلها ع الملا

\*\*\*\*\*

يهدوا الريف والحضر      لله اللى فطر  
أصل أم الأنبياء      من مصر أم البشر

\*\*\*\*\*

حافظين جوّه الكتاب      نيل مصر والتراب  
قال " فيها ما سألتكم "      والخير في كل باب

\*\*\*\*\*

والصبر مهما طال      يا مصر أم الرجال  
حنزِيل كلمة محال      ونحقيق الآمال

\*\*\*\*\*

## باحلم بالهنا

باحلم بالهنا      ذا كل المنى

\*\*\*\*\*

عشة صغيرة      في جنينة سماح

بالحب معطرة      يبقى الليل صباح

في عيوننا كلنا

بسمة ع الجبين      للجيل اللي جاى

نفرده الإيدين      ونقول شيل معاى

نبنى مجدنا

نغرق ليل نهار      ونجيد العمل

## السفر والفن

نملئ الكون عمار في وادي الأمل

نسعد شعبنا

لا لحظة ندم ولا أهمة ألام

ترجع للقنال والنيل والهـرم


تجرح صفونا

يخضر السلام في قلوب البشر

ويغنى الحمام ويضوى القمر

تسلم مصرنا





## التربية

غلطة دلع ٠٠٠ جابت وجع  
خد منتا ٠٠٠ جهد الجدع

\*\*\*\*\*

كان واد جميل ٠٠٠ زى القمر  
دا كان ملاك ٠٠٠ مش م البشر

\*\*\*\*\*

أمه وأبوه ٠٠٠ في العين شالوه  
ودوه حضـانة وعلمـوه

ما بين مدارس أجنبى      يحافظوا بيهـا ع الصبي  
نسيوا يقولوا لـحضرته      ازاي يقف في قبلته

\*\*\*\*\*



## السفر والضياف

كبر الولد ٠٠٠ طال وانفرد  
يطلب ينول ٠٠ كل المدد  
من غير حساب ٠٠ لو حتى غاب  
ناه وانحرف ٠٠ وسط الضباب

\*\*\*\*\*

في الليل ييات ويا الشال  
قال إيه ٠٠٠ بيكسر الملل

\*\*\*\*\*

قسم البوليس بينا أتصل

رحنا سألنا ٠٠٠

إيه حصل ؟


\*\*\*\*\*

قال تعرفوه؟؟ أيـوه ابنننا

فمين ربتـوه؟؟ فـي حضـننا

\*\*\*\*\*





قال : الولد دا منحرف

ردينا .. لا

قال : معترف

طلب إيه جريمته ؟

قول لنا

قال ... ده بيسرق عمرنا

\*\*\*\*\*

جالب مخدر للبلد

للبنات باع .. زى الولد

\*\*\*\*\*

ورجعنا باللوم والعتاب ...

للأهل ... ولكل أصحاب

\*\*\*\*\*

بنقول لهم من قلبنا

صونوا شبابنا ومصرنا

مصر اللى ضمتنا بحنان

ما ترضى خاين

أو جبان



### حسنتاك

حسنتاك لو غبت سنين      حسنتاك وانا كُلى حنين  
واتمناك ترجع لي ف يوم      تسعد قلبي بشوق عاشقين

حسنتاك

حبئر شوقي ف كل مكان      واروى الدنيا بحبي حنان  
وافرد بسمه تغطي الكون      لما البدر بنوره يبان

حسنتاك

بهديك ع الشمس نشيد      أوتار قلبي فيه بتقيد  
فيه بلبل حاضنيه اتنين      بيغرد في غصون العيد

حسنتاك

حسنتاك ومسيرك راجع      تشفى بى أي مواجع  
شايل لي ف قلبك حب      يغسل غربة عمرى الضايع

حسنتاك

حسنتاك ولآخر عمرى      وما تعود بالشوق حلقاك  
والقى قلبك مستننى      تبقى حياتى جنة معاك

حسنتاك

## نفس السؤال

كل يوم نفس السؤال      قوللى ليه الهجر طال ؟  
انت راجع لى أمتى ؟      والا قلبك عنى مال ؟

\*\*\*\*\*

مهما تهجر .. أقدر أصبر      بس أوع القلب يغدر  
دانت حبك جوة قلبى      كل يوم عن يوم بيكبر

\*\*\*\*\*

فى انتظار نور طلعتك      تحبى قلبى بهمسك  
والربيع يملا هوانا      فى بتسامة نظرتك

\*\*\*\*\*

ألف أهلاً .. لأشوية      دانت روحى واللى ليه  
دانت جنة مخلوقالى      أنسى بيها الدنيا ديه

## فايته الوجود

فايته الوجود ويتكبلى والشوق بيرقص ع الشفة  
والقلب دايب م الخفة هايم بسيلم بالزفة


\*\*\*\*\*

النجم ساهر يسمعنا والنيل وشطه بيجمعنا  
والليل دا عاشق بيلحن والنسمة تحفظ في المعنى

\*\*\*\*\*

طاف الهوى ومعطر شوق صحن البشر والطير من فوق  
حاضن هوانا وأسرارنا خلى ليالى القلب شروق

\*\*\*\*\*




الشمس طلعت بتصبّح والزهر بايت ببسبّح  
ردد معاننى محبتنا خلى القدر رق وفنّح

\*\*\*\*\*

واحنّا ما نهجر أو نفدر أو عندنا تخطر سيرة  
من شك.. أو خوف .. أو غيرة أو يأس.. أو ضيق .. أو حيرة

\*\*\*\*\*

بالحب حنشق طريقنا بالحب نحرس أشواقنا  
ونقول لعشاق الدنيا " الحب لحظة توفقتنا "



## ست العصر

سمعت القلب من شوقه      يغنى لمصر  
وكل الدنيا بتردد ...      " يدوم النصر "  
تدوم الراية مرفوعة      تدوم البسمة مسموعة  
يدوم عزك يا ست العصر  
يا مصنع مدنته العالية      حضارة تطل  
يا شمس وفاردة أحضانها      جناين فل  
يا قايده الفرحة بجبينك      في توبم التل  
يا خير مبدور وماله حصر

## السفر والفن

ياضى العين يا محروسة حنينة على الغد

بروح وبهمة ملموسة وماله احدى

ونزرع في الوجود بسمة عزيمة وجد

ونحرس مجدنا والنصر

على جبين التاريخ شايفك شعرا مفرود

شبابك هو ملاحك وكله جنود

يخلوا الصحرة تتكلم بخيرها تجود

نزين بيبك الوجود يا مصر

## القلب الطيب

سَلِّمْ لِي عَ الْقَلْبِ الطَّيِّبِ      رُوحُ قَلْبِي يَرْجِعُ لِي قَرِيبَ  
رُوحُ قَلْبِي حَبْلُكَ مُشْتَاقٌ      وَلِقَرْبِكَ مَلِيحَانُ أَشْوَاقِ  
أَوْصِلْهُ بِاللهِ لَا تَغَيِّبْ  
أَوْصِلْهُ وَقَبْلَ لِي عَنِيهِ      بِرُموشِكَ سَلِّمْ لِي عَلَيْهِ  
رُوحُ قَلْبِي أَنَا مَلِكُ يَدِيهِ      وَبِرُوحِي بِاللهِ أَفْديهِ  
بِحَيَاتِكَ عَشْمِي لَا تَخَيِّبْ  
رُوحُ سَافِرٍ فِي بِلَادِ الله      وَابْحَثْ لِي عَنْ قَلْبِي مَعَاهِ  
دَا قَدْرِي وَسَعْدِي وَيَّاهِ      وَنَا أَرْضُهُ وَبَحْرُهُ وَسَمَاهِ  
وَمَلَائِكُهُ وَالْحُضُنُ الطَّيِّبِ



## السفر والفتن

جيهولى من وين ما يكون لو حتى حتدور الكون

من غيرُه لا بعيش ولا اكون خد عقلى وفاتتى مجنون

ما هو روحى وعمرى وحبيب

ارجع لى وحبى وياك لا تعوق يا طيرى هناك

عطر له جناحك وهواك وانا قيد الشمع للقياك

حبيلى .. ما هو عهدك قريب

زغرودة .. أهو جالى الطيب

## سبعة وعشرين

سبعة وعشرين أغلي الأرقام      ليلة إسراء سيد الأكرام  
ليلة إعجاز .. ليلة إنجاز      ليلة معراج فوق أعلي مقام  
محلاك يا براق .. شابل أشواق      طه المحبوب .. للقا الملام

\*\*\*\*\*

سبعة وعشرين ليلة تنزيل      نور القرآن هادي ودليل  
فيها سلام وملايكة كرام      نازلين بأوامر رب جليل  
ليلة أقدار تنجي م النار      مقبولة التوبة لكل ذليل

\*\*\*\*\*

### السفر والضيافة

سبعة وعشرين .. دائماً أفراح فيه أسعد ليل وأرق صباح  
أرواحنا تزور.. أحضان الحور وف شط النور ترسى وترتاح  
وتتول غفران .. عند الرحمن من غير أحزان..إحسان وسماح

\*\*\*\*\*

قوموا يا حبيب .. فوزوا بثواب رب الأرباب .. م الليل للفجر  
اسعوا لرضاء.. وانخلوا في حماء بصيام وصلاة ..حتتولوا الأجر  
زوروا الأرحام..وارعوا الأيتام أصل الإسلام.. ما يحبس هجر

## إلى الله

يا رب يا رحمن قاصدك ومالي حد  
ناديت ونا حيران والصبر زاد ع الحد

\*\*\*\*\*

لى فؤاد مهموم واقف على بابك  
سهران جفاه النوم ضمه لأحبائك

\*\*\*\*\*

عاصي وكله ذنوب والمعصية خانقاه  
نادم وجي يتوب إهديه إليك وارعااه

\*\*\*\*\*

سَلِّمْ إِلَيْكَ أَمْرَهُ رَاضِي بِحُكْمِكَ فِيهِ  
شَايِلْ ذُنُوبَ عَمْرِهِ وَنُورَ رَحْمَتِكَ يَكْفِيهِ

\*\*\*\*\*

مَا عَادَ لَهُ بَابُ فِي الْكُونِ وَأَنْتَ الرَّجَاءُ وَالْأَمَلُ  
إِنْ قُلْتَ " كُونْ " حَيَكُونِ وَالصَّعْبُ يَصْبِيحُ سَهْلًا

\*\*\*\*\*

يَا رَبِّ جِئْتُ بِأَبْكَ مَا تَرَدَّنِي خَائِبًا  
أَقْبَلْنِي فِي رَحَابِكَ خَلِّبْنِي فِيكَ دَائِبًا

## الله حي

الله حي ۰۰ الله حي  
موجه ينادي

حق بلادي ۰۰

لازم جـ

وانت يا غاصب مهما تكون  
مهما يحاوروا ۰۰

واللا يـاوروا

القدس راجعلـ يزىـ الكون

اقتل ولدى


واحرق جـدى

ومص الدم

مات قتاص

صب رصاص

مش حاهتم



أرضى دى عرضى

مش للبيع ..

زى السدين

جنة لولدى ..

ونار ومرار ..

للغاصبين

جوه ترابها ..

كل جدوى ..

وابويا وأمي

وأنا بعددهم ..

لجل عيونها ..

أوهب دمي

واوصى وليدى ..

ويا حفيدى ..

يصرونوا العهد



لما الشمس ..

تدفي سمانا ..

ونجى الشهد

واخللى هواها ..

فوق أولادك ..

كله بارود

يسحق يمحق ..

اللى غصبتة ..

لابد يعود

وازرع شجرة ..

تحتها حجرة


فوقها ولاد

بيغنوا يقولوا ..

اصحى يا دنيا .. هنا أسياد

اصحى يا دنيا .. هنا أسياد





## فلسطين

هل هلاكك يا فلسطين

وحشة كبيرة ..

وشوق وحنين

فرحة وطرحة ..

وفل وتل ..

وحنه سويسى للعاشقين

زفة ولفة ف كل الكون

فوقها حمامة وغصن زيتون


وف أحضانك ضمى ولادك

دول عاشقينك ..

عشق جنون

وولاد صابرا .. وياشاتيلا

دول من يافا ودير ياسين



بأيمن روحهم ..

لجل الأقصى ..

ويا القدس يعودوا للعلا

يا لالا يا مريم .. باركي كفاهم

داوى جراحهم ..

شدى يديهم

رفعوا صليبك .. لجل حبيبك

هو وأحمد ..

يشفوا لهم

ندر علينا ..

نخلي هالك ..


يعلى ويصبح بدر كبير

بضوى ف مكة ..

وع الأهرام

ويا البصرة .. وف أغادير





وارو نشيدك ..

واحمي حفيدك

وازرع قلبي ورود لشهيدك

عشان ونيدك ..

طهروا أرضك

بيضوا عرضك ..

فكروا حديدك

خاضوا معارك ..

خلوا مسارك ..

خالد نكره ف عيين

ربي يبارك ..

في اللي يشارك

يسلم دائماً ..

قولوا آمين

يسلم دائماً قولوا آمين



## أعلى حروف

الفاء.. واللام.. والميم.. والطاء      والياء.. والنون

\*\*\*\*\*

أعلى حروف .. وأشد كفوف      يعرفها الكون

\*\*\*\*\*

والأطفال عمالة تحارب      تدى الدرس لجيش مغرور


حافلة تقاوم .. مش بتساوم      لجل الأقصى يعود منصور

\*\*\*\*\*

كل كفوفها بترمى حجارة      بكرة الحجرة تبقى بارود

تجعل دم الشهيد منارة      لما الحق لصاحبه يعود


\*\*\*\*\*



واخذه العهد ف يوم حطين على يد جدى صلاح الدين  
تحمى هواها م الفاصيين تروى النخل وتزرع تين

\*\*\*\*\*

دول يحتاجو ف كل صباح وقفه عفتة ومال وسلاح  
وحدة تصون كل الأرواح قوموا يا عرب  
الفجر أمو لاج



## صهيون

عريد وصول في الأرض      قطنها طول أو عرض  
واصرخ في كل الكون      قوْلُه : أنا صهيون  
مالى دين أو عهد


\*\*\*\*\*

عريد ولا تهتم      لا بد يوم تلتئم  
عمر كسراب بيزول      مسنود بحيط بيميل  
أوشك خلاص ينهد

\*\*\*\*\*

شمسى بدت بتطل      تكسى العذارى تل  
وتحيل نهارك ليل      أسود ٠٠ مافيه قنديل  
م المهد حتى اللحد


\*\*\*\*\*



يادم كل شهيد      عطر صباح العيد  
وعد الإله قاطع      عيسى النبي راجع  
يفتح كنيسة المهد

\*\*\*\*\*

ويعلى راية الحق      زى الجبل تتدق  
فيها هلال وصليب      وصية حاضنة حبيب  
ينسوا الدموع بالشهد



## شايك يا بكره

شايك يا بكره بتتولد .. زى الربيع  
أبيض .. معطر .. بسمتك تروى الجميع

\*\*\*\*\*

شايك صباحك .. من عيون السد طالل  
فرحان .. وخيرك .. ويامية نيلى هال

\*\*\*\*\*

شايك فى توشكى .. زى حضن الأم دافى  
فيك الأمل .. ويا الأمان .. بيقول عوافى

\*\*\*\*\*

فيك الغصون متفرعة .. تطرح سلام  
أخضر .. وعالى .. بضلله سرب الحمام

\*\*\*\*\*



شايك شعاعك      يمحى ضلمة كل ليل  
حالف لتسعد جنب جيلي      كل جيل

\*\*\*\*\*

شايك يا بكره وانت راشد      مش صغير  
زي البطل .. في كل دار ..      ايديك تعمّر

\*\*\*\*\*

شايك مداين ..      فوق مصانع تتبني  
شايك سلاح .. يحمي الجباه      ما تتحنى

\*\*\*\*\*

شايك ضميرك ..      فوق جبين الحر صاحي  
يبنى حضارة مصرنا ..      تسلم صباحي

## سینا

لسه عیونا علیک یا سینا      شایفة عبورنا وشوقک لینا  
شایفة جنودنا ف حضنک تزرع      نصر وفرح ومجد وادینا

\*\*\*\*\*

لسه قلوبنا دروع لرمالک

تروی نخیلک ..


تقدی جبالک

تحرس طورک ..

تحضن دبرک

باللی تراپک نور یهدینا

\*\*\*\*\*



م انت ف جبلك جت أديان      وف أشجارك جه قرآن  
وان كان حد لمجدك ناسي      موسى دا مصرى ومولود فينا

\*\*\*\*\*

مين حيصاوا لك ؟

أو حيطاولك ؟

واحنا بروحنا كلنا حولك  
إيدنا تعمر .. تزرع .. تصنع      شائلة سلاحنا بصون أراضينا

\*\*\*\*\*

أصلك غالية .. رايتك عالية      وبدرك ساطع من رمضان  
جوك صافى .. بحرك شافى      واحنا سفاين .. وانت المينا  
وانت الجنة وضى عيننا



## مستىكى

مستىكى .. بطم بيكى .. وقلبي شاريكى .. عايش ليكى

\*\*\*\*\*

طوفى الدنيا .. فى بلاد تانية .. قلبي معاكى .. ثانية بثانية

\*\*\*\*\*

هو حبيبك .. هو نصيبك .. مهما تدورى .. مش حيسيبك


\*\*\*\*\*

م أنت ملاكى .. روحى فداكى .. ياللى الدنيا .. هى رضاكى

\*\*\*\*\*

مش بتصور .. دنيا تنور .. وانت بعيدة .. مهما أدور

\*\*\*\*\*



قولى صغير .. مش حتغير أنا من غيرك .. عمرى قصير

\*\*\*\*\*

نبضات عمرى .. فيكى بتجربى تهمس ليكى .. بسرى وجهى

\*\*\*\*\*

ارجعى تانى .. عيشى حنانى أنا وياكى .. مالناش تانى

\*\*\*\*\*

بكفاية بعاد .. وألم وسهاد ..

داف شمس النيل فيه بينا معاد

مســـــــــــــــــتبقى



## أنا رايدك

تقوللى لا .. تقوللى آه أنا رايدك بشرع الله  
رايد قلبك وإحساسك رايد أهلك .. رايد ناسك  
يا اعالى كل خلق الله  
أصونك بالفؤاد والروح واصير ضلك مكان ما تروح  
لا افوتك يوم ولا أسلاك وأكون سعدك وضى سمالك  
ودا عهدى أمام الله  
أريدك لو تاخذ عمرى واسلم بين إيدك أمرى  
ولا أنعدم .. ولا أهتم كفاية القلوب تنتم  
ويرعى حينا الله  
لا رايد جاه ولا أموال حعيش وياك فى أسعد حال  
كفاية همستك ليه كفاية بسمه وردية  
تنور فوق بلاد الله

## خليكى في العش

لمنه الريشة صغيرة .. خليكى في العش  
لا الريح صابحة ممطرة والله ما بنفش

\*\*\*\*\*

ورزقك عندك لازم جى ييجى ف ضلعة .. ييجى ف ضى  
ربك قاسمه فوق في سماه ييجى لصاحبه بأمر الحى

\*\*\*\*\*

واما جناحك بيقى كبير طيرى وعلى فوق الكل  
لا تخافى مطره ولا صياد وابدرى عشك ورد وفل

\*\*\*\*\*

واسعدى إلفك .. وارضى هواه واحفظى وده جوّه العين  
واوعى الدهر يفرق بينكم شرع الحب أتتبن اتتبن

\*\*\*\*\*

واما تلاقى الدنيا تجور خليكى دائماً قرب العش  
وقولى لكل الطير .. ان احنا قلبنا صافى .. ما بيغش

\*\*\*\*\*

وانت يا سمكة أوع الحوت مستيكي جوه البحر  
اللى يقرب منه يموت زى الموجة يحب النحر

\*\*\*\*\*

أما الغابة .. زى الناس فيها الشهد .. ومر الكاس  
فيها نسور .. فيها نمور فيها الحق مالوش حراس

\*\*\*\*\*

فيها عصاة وماسكة سلاح تحصد بيه كل الأرواح  
طفل وشاب وست وشيخ مالية الدنيا جراح ونواح

\*\*\*\*\*

وانت خسارة .. يا قمر الحارة خلى شموعك لنا منارة  
خليكى نسمة .. وروح مبتسمة تخلي عيون الكل سهاره



السفر والنين  
بروؤك

بودعك .. قبل الرحيل      بودع العمر الجميل  
بودع الشوق والجنون      بودع القلب الحنون  
وبينطفئ آخر شعاع  
ليه يا قمر خانقاك غيوم ؟      حتى القدر ملبان موموم  
والقلب ضاعت قبلته      قتل الزمان فيه نبضته  
واللى انقتل تاكله الضباع  
ليه يا زمن ؟ مش باعتبك      مين يا زمن .. حا يغلبك ؟  
تاخذ ربيع .. وتجيّب شته      وتقوت قلوب منشته  
ليه سبت لى غير الضياع

### السفر والفن

لا .. مش بلومك يا حبيب      لا انت القدر .. ولا النصيب  
واللى انكتب فوق الجباه      ما ينمحي طول الحياه  
طب ليه ألوم والعمر ضاع ؟  
فوتتى وقلبي لك متاع      حافظ هواك .. عمره ما باع  
مشتاق رجوعك يا قمر      ونعيش سوى من غير وداع

## هـيلا هوب

هـيلا هوب ٠٠ هـيلا هوب احنا قلوبنا جنـاين حب

نزرع خير ٠٠ لنا والغير فين ما نروح ٠٠ خيرنا يصب

هـيلا هوب

نزرع رمل بلادنا جنـاين والشيطان نبيها مـداين


أما السما يكسيها علمنا نبضنا رافعه بأكبر حب

هـيلا هوب

يا لـا يا بـكره قوم وتعاله شوف همتنا ازاي شغالة

شوف خطاويننا.. شوف أبادينا شوف أمجادنا منين ما نطب

هـيلا هوب



وانت يا صابرة.. جايك بكرة بين أعضاني .. شايك حرة  
انتي عمري وارعي هوك وانت معايا الروح والقلب  
هـيـلا هـوب

\*\*\*\*\*

هـيـلا هوب .. هـيـلا هوب  
مصر حياتنا..مصر الحب



## أحلى حلوة

يا أحلى حلوة قولى      سابقا لى النقل إليه ؟  
أجيب الماخذ ولولى      واللا يرضيكى إليه ؟  
لو عمرى .. يكون هنية  
فاكرانى أقدر أسيبك ؟      دانت وبس اللى ليّه  
لو نجمة أطلع وجيبك      وافرش لك نور عينيه  
مليان أحلام هنية  
وأفضل عايش لحبك      مهما يكون المصير  
وانشر ع النيل هوانا      بملاه سخر وعبير  
ونسمة شوق عنية

### السفر والفتن

فيه عاشق عمره بهجر ألقى نبضات فؤاده ؟

والهمسة والابتسامة ؟ أو يخلف يوم ميعاده ؟

ويكون عاشق صبيّة ؟

طب حتى شوفي قلبي م الحب بيحترق

بيقول " وحياة جمالك " أموت لو نفترق

ويضيع كل اللي ليّه

يا تسبي النبض يحضن أشواقنا المغرمة

يا كل الحب يرحل م الأرض والسـمـمـه

والناس تصبح ضحية

## القلب والغزال

نأيم في الليل لوحدى      والحب معرفوش  
صحيث الصبح ادور      عن قلبى ملقتوش  
يا نجدة الحقينى      صادوه منى الوحوش

\*\*\*\*\*

راح البوليس يدور      عن قلبى ف كل مول  
ويعلن عن مكافأة      ويبلغ لانتربول  
وبعد طول مشقة      قال " الفاعل مجهول "

\*\*\*\*\*

مشيت ابحت لوحدى      وشاكك في البنات  
كان قابل مرة صدفة      دلوعة م الذوات  
ليكون في شباكها واقع      واستسلم من سكات

\*\*\*\*\*

وتعبت وجنب ناصية      مش قادر ع الوقوف  
ألقى غزال معذى      وقلوب حواليه تطوف  
عامل قلبى ميدالية      تترقص فى الكفوف

\*\*\*\*\*

ناديت " أمسك حرامى "      ضحكلى وبصلى  
وقال " شهيد غرامى "      وخلص انضلمى  
رجعت اناف كلامى      ولا قلبى رقللى

\*\*\*\*\*

قاللى الغزال برقة      " طول عمرى بعشقك  
يا تيجى جنب قلبك      يا بحورى تغرقك "  
ضحكت وقلت لآة      كداب ولا اصدقك

\*\*\*\*\*



ولقيتني بكل شوقي      بجريته واحصاه  
وقول غلطان سامحنى      قال عذرك بقبليه  
يا بوليس خبر ولدك      انما قلبي وصلته

\*\*\*\*\*

سألني الصول نوباتجى      كان فين ؟ ومين غريم ؟  
قلت " اصطاده الغزال "      قال " سترك يا كريم "  
" خليك حكيم وسلم      محنش قد الحريم "

## طالب القرب

أنا رايدك كل عمرى      يا قايده القلب نار  
تتهنى بحبنا      ونخلى الليل نهار


\*\*\*\*\*

حاجى واخطب عيونك      بس أوعى تقولوا لا  
لو لا يبقالى أرحم      تتشق الأرض شق

\*\*\*\*\*

والشبكة من فوادی      والشقة والجهاز  
واشدك جوّه عينى      من ساعة الجواز

\*\*\*\*\*



وأهلك والجيران      يقول برضه أهل  
والصعب يكون على      واختارى بكل مهمل

\*\*\*\*\*

مستى تقولى "شرف"      البيت حتتوزه  
أجى ومعليها أهلكى      وترابك أقتزه

\*\*\*\*\*

وأحضن بالفرح قلبك      ونطير فوق البشر  
ونزور كل النجوم      والشمس والقمر



## كحك الحبيب

الحلوة بقلب طيب ساكنه الروح والعين  
قلت في العيد يا حلوة فين كحك إيديكى فين ؟


\*\*\*\*\*

قالت بعيونى اجيبه تاكل إيدك معاه  
الكحك منه تسوى العممر لمنتهاه

\*\*\*\*\*

أنا كلت كعكة واحدة خلتلى القلب دق  
ويجر الشوق عبرته ما خفتش م الغرق

\*\*\*\*\*



وابص ف عينها أغرق ما لقالى أى شط  
لله روحوا قولولها القلب حداها حط

\*\*\*\*\*

والنار في الجنب قادت والشوق زاد اللهب  
ياريت بعينونها تقرره في جبينى اللى انكتب

\*\*\*\*\*

مكتوب فرحة قلوبنا تتغنى لكل جيل  
ما شافها غيرنا عاشق ولا يخلى منها ليل



## لوعة

ليه رنيت .. يا تلتقون بعد سكوت ؟  
ليه صحبت في الشوق ؟ سيبه يموت

\*\*\*\*\*

تسأل عنى عامل إيه ؟ تفارق إيه ؟  
في النار .. ليل ونهار بيدك إيه ؟


\*\*\*\*\*

قلبي ناداك .. وانت طليق زى الطير  
" خليك لى " .. سبتك يتوه واخترت الغير

\*\*\*\*\*

روح وانساه .. بس تعيش مش حيلوم  
كل مناه .. تبقى سعيد .. مش محروم

\*\*\*\*\*



يا أعز حبيب ...

بكفاية لهيب ...

وكفاية مـرر

لا القلب يطيب ...

ولا لي نصيب ...

تسعدني يا جار

قسمة ومكتوب ...

أعشق وأدوب ...

وأعيش في النار



## الحائرة

مقدرش أقول لقلبك انسى واللاً افتكر

أحلامنا وحبنا

اصبر ... يمكن نلاقى واحدة ف وادى القمر

بالحب نضمنا

يا ألقى نبض جالى بيقول رايدك حلالى

ولآخر عمرنا

مش جبعد عن سبيلك أو بيدى أقدر اجيلك

ونفرح قلبنا

بذعى رب العباد يجمعنا م البعاد

ويبارك حبنا

ونعيش دايماً سوى نتهنى بالهوى

والفرح يدوم لنا



## العمدة

يا عمدة كفرنا يا حايوة معطرة  
يا حارسانا بدلال وبجيبة قصيرة  
عالية فوق الركب  
وفصوص في البطلون وبلوزة مقلمة  
وبقصة طويله حبة ع الخدم مسلمة  
والبنسة من ذهب  
والصندل كعب عالي خصرك فوقه يميل  
يجذب كل القلوب وتسلم للجمريل  
من غير لحظة تعب  
وتطاردى المجرمين بروج ع الشفتين  
يشعل في القلب نار ويطبوا في الكمين  
من غير ما يتتصب

يا عمدة كفرنا      مشتاق اتجوّزك  
واصبح خفير هنا      في الليل أوّنبك  
بالدقن والشنب  
وف يوم ما توضعى      الشرطة تكون طابور  
وأن رحمت ترضعني      نستأذن المأمور  
بمحبة وبأدب  
أما يوم السبوع      نعمل لك مؤتمر  
ونقيد كل الشموع      ونأكل البشور  
وويزرنا المنتخب  
لكن خايف ألقى      أحلامي اتبديت  
والبيت يصيح سلاحك      والزوجة انتشتت  
ويفرقنا الغضب


يا عمدة كفرنا      عيشى أنت لأسرتك  
لا تبأتى فى الخلا      ولا تفنى صحتك  
فى مكافحة الشغب  
دى مهنة للرجال      اللى قلوبهم تشيل  
ما يخافوا م المحال      ولا ليهم روج تقييل  
وبياتوا فى القصب  
أما انت مهنتك      جامعة مش مدرسة  
تذى دروس الحياة      كاملة ما تنتسه  
وف بيتها تتطلب



السفر والحنين

**الفهرس**

الصفحة	الموضوع	مماصل
٣	إهداء .....	١
٥	سنت الكل .....	٢
٧	القلب دايب .....	٣
٩	رضاك دنيتي .....	٤
١١	نسيانك غلطي .....	٥
١٣	زين الشباب .....	٦
١٥	الغريب .....	٧
١٨	إلى الغريب .....	٨
٢١	اللقاء .....	٩
٢٣	السفر والحنين .....	١٠
٢٥	أهلا بياك .....	١١
٢٦	نساك القلب .....	١٢
٢٨	أسمعيني .....	١٣
٣٠	وداع زهرة .....	١٤
٣٢	عشانك أنتظر .....	١٥
٣٤	هلنت .....	١٦
٣٦	في القلب مطر حاك .....	١٧



## تابع الفهرس

الصفحة	الموضوع	معدل
٣٧	المحطمة	١٨
٣٩	اغتيال فرح	١٩
٤١	حيثك	٢٠
٤٢	المعودة	٢١
٤٣	عود الفيل	٢٢
٤٥	الأولسة	٢٣
٤٧	كتبوا الكتاب	٢٤
٥٠	مصر لم البشر	٢٥
٥٣	باحلم بالهنا	٢٦
٥٥	التربية	٢٧
٥٨	حسنتك	٢٨
٥٩	نفس السؤل	٢٩
٦٠	فايته الوجود	٣٠
٦٢	ست العصر	٣١
٦٤	القلب الطيب	٣٢
٦٦	سبعة وعشرون	٣٣
٦٨	إلى الله	٣٤
٧٠	الله حسي	٣٥

(السفر والحزب)  
تابع الفهرس

الصفحة	الموضوع	ممثل
٧٣	..... قسطين	٣٦
٧٦	..... أغلى حروف	٣٧
٧٨	..... صيون	٣٨
٨٠	..... شافك يا بكرة	٣٩
٨٢	..... سينا	٤٠
٨٤	..... مسيتيكي	٤١
٨٦	..... أنا رايدك	٤٢
٨٧	..... خليكي ي العش	٤٣
٨٩	..... بودعك	٤٤
٩١	..... هيل هوب	٤٥
٩٣	..... أحلى حلوة	٤٦
٩٥	..... القلب والغزال	٤٧
٩٨	..... طالب القرب	٤٨
١٠٠	..... كمك الحبيب	٤٩
١٠٢	..... لوعنة	٥٠
١٠٤	..... الحانرة	٥١
١٠٥	..... العمدة	٥٢
١٠٩	..... الفهرس	٥٣

